

殿

在平壤府王影曠所安之處

太祖

因畫西京

所平壤

山川樓觀之勝以來至

是命畫史繪綵為屏又命鄭惟吉作詩李樛作記傳曰欲予備觀古都矣恐人或有恨其留意於無益者○大司諫李楨司諫柳從善獻納張士重正言李瑩李後白啓曰伏覩昨日答憲府之辭不勝惶恐之至臣等於千環尹溟事非有私意於其間第以賤人歐打士族罪有定律而千環罪狀昭著無疑一或撓改後弊難救故臣等將公論以啓且臺諫不必以目覩之事為啓者物議的實而於事理有所關則隨事論列矣臣等俱以無狀忝備耳目之官不能取信於上終歸於論法不中所欲言不實在職未安請遄荅曰臺諫隨事論執是乃義事而欲守法以救後弊此意亦當但以風聞重治恐有冤悶故昨日偶言之勿辭戊戌夜乾方西方如火氣

辛丑傳于政院曰近年以來倭人作賊上國故例遇夏月現形於我境或被截或逃還而今年則仲夏已過尚無邊報矣今以一二隻倭船現形馳啓必是逢風漂到之船然賊謀難測邊將